

Оқушылар Парламентінің Ережесі

1. Жалпы ережелер

1.1. **Оқушылар Парламенті** – көшбасшы, қазақ тілін еркін меңгерген, «Жас Ұлан» ұйымына мүше 7-10 сынып аралығындағы арнайы сайлау арқылы таңдалып алынған оқушылардың өзін-өзі басқару ұйымы.

1.2. Оқушылар Парламенті – мектептегі оқу тәрбиелік процестерді басқарудың жалпы жүйесі болып табылады және оқушылардың қоғамдық пікірлерін, олардың қызығушылықтары мен қажеттіліктерін зерттеу негізінде есепке алады.

2. ОҚУШЫЛАР ПАРЛАМЕНТІНІҢ МАҚСАТЫ МЕН МІНДЕТТЕРІ

2.1. Оқушылар Парламентінің мақсаты:

- Мектептегі оқу үдерісін демократияландыру;
- Оқушылардың көшбасшылық қабілетін дамыту;
- Оқушылар үшін маңызды әлеуметтік жобаларды іске асыру;
- Оқушылардың пікірін ескере отыра ортақ мәселелерді шешу;

2.2. Оқушылар Парламентінің негізгі міндеттері:

- Мектептегі оқушылар мен жасөспірімдердің мәселесіне назарын аударту және шешу жолын ұсыну;
- Мектеп әкімшілігімен, педагогтармен, оқушылардың ұйымдарымен бірлесе отырып оқушылардың қызығушылығын жүзеге асыру;
- Оқушылардың қоғамдық-әлеуметтік іс-шараларға қатысуға ынталандыру және қолдау;
- Мектеп оқушыларының құқықтары мен қызығушылықтарын қорғау;
- Оқушылардың арасында экологиялық, құқықтық сауаттылықты дамыту;
- Оқушылардың сабақтан тыс уақын тиімді пайдалануға ат салысу;

3. Оқушылар Парламентінің Функциялары

3.1. Парламент өз міндеттеріне сәйкес мынадай функцияларды орындайды:

- 3.2. Оқушылар өмірінің барлық бағыттарын үйлестіру жөніндегі шараларды әзірлейді, қабылдайды және жүзеге асырады.
- 3.3. Мектеп оқушыларын әлеуметтік-құқықтық қорғауға қатысады.
- 3.4. Көрсетілген міндеттерге сәйкес басқа функцияларды орындайды.

4. Оқушылар Парламентінің функцияларын қорғау

- 4.1. Өз функцияларын жүзеге асыру үшін Оқушылар Парламенті:
- 4.2. Оқушылар клубын және оқушыларды іс-шараларға тарту;
- 4.3. Парламентке келіп түскен ақпаратты зерделеу, талдау және шешім қабылдау;
- 4.4. Мәселелерді тез арада қабылдауға және шешуге құқығы бар.

5. Оқушылар Парламентінің ұйымдастырушылық құрамы

- 5.1. Оқушылар Парламенті мынадай негізгі фракциялардан тұрады:

Білім фракциясы - оқушылардың сабаққа деген қызығушылығын арттыру және интеллектуалды қабілеттер дамытумен айналысады.

Руханият фракциясы – кітап оқу мәдениетін қабылыптастыру мен кітап оқуға қызықтыру және тәрбиелік іс - шараларды ұйымастырумен айналысады.

Экология фракциясы – оқушылардың экологиялық мәдениетін дамыту, қоқыс тастау мен қоршаған ортаны қорғауға байланысты жұмыстар арқарады.

Денсаулық және спорт фракциясы- салауатты өмір салтын ұстану мен оқушылардың спортпен белсенді айналысуына жұмыс жасайтын болады.

Азамат фракциясы – оқушылардың құқығыны қорғау мен құқықтық сауаттылықты дамыту негізгі бағыттары болып саналады.

- 5.2. Оқушылар Парламентін қызметін Ұланбасы басқарады

- 5.3. Мектеп Ұланбасы жалпы оқушылар арасында сайланады.

- 5.4. Жекелей Фракция бойынша бөлінеді, өз ара фракция басшысы тағайындалады, ал міндеттер басқа мүшелер арасында таратылады.

6. Оқушылар Парламентінің сайлау реті:

- 6.1. 7-10 сынып аралығында әр сыныптан «Жас Ұлан» ұйымына мүше, қазақ тілін еркін меңгерген, қоғамдық жұмыстарға мүдделі 3 оқушы өтінім білдіреді. Оқушылар өз бағдарламаларын жасап ұсынады, бекітілген жағдайда мектеп-

лицей сайтына жүктеледі. 7-10 сынып оқушылары онлайн форматта дауыс береді. Әр сыныптан екі оқушы мүшелікке өтеді.

6.2. Екінші кезеңге оқушылар пікір алмасу ойыны мен мотивациялық эссе жазады. Нәтижесінде әр сыныптан 1 оқушы Парламент мүшесі болып, сыныбы мен мектеп оқушыларының мүддесін қорғайды.

6.3. Парламент отырысын Ұланбасы басқарады, ал ол болмаған кезде – жауапты бір мүше басқарады.

6.4. Парламент жиналысы ашық өтеді.

6.5. Оқушылар Парламентінің шешімдерін жиналысқа қатысушылардың көпшілігі қабылдайды. Парламенттің мүшелерінің көпшілігі қатысқан және дауыс берген жағдайда жарамды болады. Кеңестің шешіміне Ұланбасы қол қояды. Қабылданған шешіммен келіспеген жағдайда Парламент мүшесі пікірін жазбаша түрде табыс етуге құқылы.

6.6. Парламент жұмысын жақсы ұйымдастыру үшін әр түрлі БАҚ-тарды, соның ішінде Парламенттің қызметіне арналған стендтерді пайдаланады.

7. Оқушылар Парламенті мүшелерінің міндеттері:

7.1. Ұланбасы мектептегі Парламентті ұйымдастырады және мектеп жұмыс жоспарында қарастырылған іс-шаралардың ұйымдастырылуын қадағалайды.

7.2. Парламент мүшесі жиналысқа келе алмайтын жағдайды ескертуге міндетті, жиналыс кем дегенде 1 күн бұрын хабарлану керек.

7.3. Барлық Парламент мүшелері волонтерлік фракцияның құрамында болады.

7.4. Қоғамдық іс-шараларды белсенді ұйымдастырудан бөлек қатысу да міндеттеледі.

8. Қосымша

8.1. Парламент осы Ережеге түзетулер енгізу және бекітуге құқылы.

8.2. Бұл ереже мектеп директорының келісімі бойынша күшіне енеді.